

"A ROSAMARINA SANTOSTEFANESE"

Sabatu santu e Pasqua rusata
Jamu mettenno la Rosamarina
Rosamarina è quannu....

Quannu si allungata
Oi quanno si allungata
ncoppa sta finistella si sagliuta

Rit
Oi si sagliuta ncoppa sta finistella si sagliuta

Figliola ncoppa stà fenesta
Famme la grazia nun te ne trasine
Vuttammi nu capillo
Bella ra' ste trezze
Oi bella ra' ste trezze
Mannall' a bbasciu cà vogliu saglina

Rit
vogliu saglina
Mannall' a bbasciu cà vogliu saglina

E mi ci voglio arriscane
Ncoppa sta cammarella vogliu ine
la vogliu spezionà
la vogliu baciana
a la vogliu baciana
fino chè me rice amo' lassami stana!

Rit
lassami stana!
finche me rice amo'
lassami stana

Vulesse sagli' ncielo se putesse
cu na scalella re seicientu passi
quanno fosse alla cimma
Bella e si rumpesse
Oj bella se rumpesse
m'braccia a nennella
mia m' arrepusassa

Rit
M' arrepusassa
m'braccia a nennella
mia m' rrepusassa

Comitato Festa San Vito Martire



1814 Aspettando il 2014
Santo Stefano del Sole (AV)

Scusate si ha aggiu fatto troppu tardu
n'ci steva Gesu Gristo m'passione
apritici le porte
bella alla feneste
oj bella alla fenesta
facitici trasi' pe'
grazia vosta

Rit
pe grazia vosta facitici
trasi' pe grazia vosta
Vui ca sapiti c'è la morte vene
tutte le belle si vole pigliane
tu ca si bella oi nenna
mittiti mpinziero
oj mittiti mpinziero
le tue bellezze a chi le vuoi lasciana

Rit
le vuoi lasciana
le tue bellezze a chi le vuoi lasciana

Quannu ta fattu chiu' de nu bicchiere
mi pare nu cristallo l'acqua e mare
cammini leggera
cammini leggera
mi pari rundinella quannu vola

Rit
oi quannu vola
mi pari rundinella quannu vola

Miezz à lu mare è nata na scarola
li turchi se la jochenu a primera
primera cimma a chi'

Rit
Vuoi pe lo trippone
Vuoi pe lo trippone
viatu a chi la vence sta figliola
oi sta figliola viatu a chi la vence sta figliola

E ali signuri re tantu luntanu e a li signuri re tantu luntano a vui signuri
addiu!

Che Santu Vitu vi pozza ajutana
Pozza ajutana che Santu Vitu vi pozza iutana

Comitato Festa San Vito Martire

1814 Aspettando il 2014
Santo Stefano del Sole (AV)

